



Tømrar Helge Andvik
Andvikvegen 509
5981 MASFJORDNES

Referanser:
Dykker:
Vår: 17/690 - 17/14630

Saksbehandlar:
Per Sveinar Morsund
Per.Sveinar.Morsund@lindas.kommune.no

Dato:
19.05.2017

Løyve til oppføring av bod gbnr 195/108 Leiknes

Administrativt vedtak. Saknr: 229/17

Tiltakshavar: Jon Andvik
Søknadstype: Søknad om løyve til tiltak utan ansvarsrett etter plan- og bygningslova (tbl.) § 20-4

Tiltak

Saka gjeld søknad om oppføring av bod med bruksareal (BRA) opplyst til å vere ca. 20,5 m² og bygd areal (BYA) ca. 22,5 m². Utnyttingsgrad er opplyst til 11,5 % BYA.

Saka omfattar søknad om dispensasjon frå arealføremålet i kommuneplanen.

Det vert elles vist til søknad motteke 24.02.17.

Planstatus

Eigedomen ligg i uregulert område innanfor det som i kommuneplanen sin arealdel er definert som LNF.

Dispensasjon

Tiltaket krev dispensasjon frå arealføremålet i kommuneplanen.

Det er søkt dispensasjon med slik grunngjeving:



Det vert med dette søkt om dispensasjon til fravik i plankrav til arealdelen av kommuneplanen, iht. plan og bygningslova §19-1. til oppføring av garasje og bod.

Gbnr.195/185 vart frådelt hovudbruket i 2001, og var tenkt som tilleggsareal til gbnr. 195/108, frådelt i 1971, der tiltakshavar oppførte bustadhus i 1994.

Det er søkt om samanslåing av desse to eideomar i denne søknad

Det vert søkt om dispensasjon med følgjande begrunnelse:

- Arealet ligg tett på eksisterande bebyggelse
- Arealet gjev grunneigar anledning til hensiktmessig plassering av garasje/bod
- Arealet er fordelt på to sider av gbnr. 195/108, og er naturleg som tilleggsareal til denne.

Eventuelle ulemper ved ein dispensasjon vil kunne vera:

- Mindre grønt-areal i området
- Fortetting av bygningar i eit bygdemiljø.

Vurdering:

Vi ser det slik at planlagt utnyttelse av området vil harmonera med omgivelser, og fordelane er større for tiltakshavar, enn ulempene for dei offentlege interesser.

I referat frå møteboka i landbruksavdelinga 02.11.2000, gav landbruksdirektøren samtykke til omsøkt frådeling av gbnr. 195/185, på bakgrunn av at mogeleg framtidig byggjeaktivitet, var lagt til grunn frå kommunen si sida.

Vi kan ikkje sjå at konsekvensene ved å gje dispensasjon har nokon stor negativ innvirkning på helse, miljø og tilgjengelighet for allmenheten.

Uttale frå anna styresmakt

Det er ikkje henta inn uttale frå anna styresmakt.

Kommunen legg til grunn at søknad om dispensasjon på grunn av tiltaket sin art og plassering ikkje skal sendast på høyring til Fylkesmannen i Hordaland, jf. fylkesmannen sitt brev av 31.01.2012. Fylkesmannen i Hordaland får vedtaket til klagevurdering.

Nabovarsel

Tiltaket er nabovarsla i samsvar med pbl. § 21-3.

Det ligg ikkje føre merknader frå nabo.

Plassering

Plassering av tiltaket er vist i situasjonsplan datert 08.03.16.

På situasjonsplanen er minsteavstand til nabogrense vist til å vere 1 meter.

Avstand til offentleg veg er opplyst å vere 62 meter.

Tilkomst, avkjørsle og parkering

Eideomen er sikra lovleg tilkomst til offentleg veg via privat veg i samsvar med pbl. § 27-4.

Terrenghandsaming

Situasjonsplanen viser uteoppahaldsareal, parkering/garasjepllassering og avkjørsle.

Visuelle kvalitetar

Tiltaket skal prosjekterast og utførast slik at det etter kommunen sitt skjønn har gode visuelle kvalitetar både i seg sjølv, og i høve til tiltaket sin funksjon, bygde og naturlege omgjevnader og plassering, jf. pbl. § 29-2.

Flaum, skred og andre natur- og miljøtilhøve

Tiltakshavar har erklært at tiltaket ikkje skal plasserast i eit område der det er fare for flaum, skred eller andre natur- og miljøtilhøve som krev særskilte undersøkingar eller tiltak. Kommunen legg denne vurderinga til grunn for vedtaket.

Tekniske krav til byggverk

Tiltaket skal prosjekterast og førast opp i samsvar med forskrift om tekniske krav til byggverk (TEK), jf. pbl. § 29-5.

Avfallsplan

Tiltaket har krav til avfallsplan etter TEK § 9-6.

Det er krav til skildring av miljøsanering for tiltaket etter TEK § 9-7.

VURDERING:

Dispensasjon

Det er to vilkår som må vere oppfylt for å gje dispensasjon etter pbl. § 19-2.

For det første må dei omsyna som ligg bak føresegna det dispenserast i frå ikkje verte vesentleg tilsidesett.

For det andre må fordelane ved å gje dispensasjon vere klart større enn ulempene, etter ei samla vurdering.

Ved dispensasjon frå planar skal det leggjast særleg vekt på nasjonale og regionale rammer, og det bør ikkje gjevast dispensasjon frå planar når ei direkte råka statleg eller regional styresmakt har gjeve negativ uttale til søknaden, jf. pbl. § 19-2 (4).

Ved dispensasjon frå lov og forskrift skal det leggjast særleg vekt på dispensasjonen sine konsekvensar for helse, miljø, tryggleik og tilgjenge.

Kommunen kan setje vilkår for dispensasjonen, jf. pbl. § 19-2. Vilkåra må ligge innanfor ramma av dei omsyn lova skal ivareta, og det må vere ein naturleg samanheng mellom dispensasjon og vilkår, til dømes slik at vilkår så langt som mogleg kompenserer for ulepper dispensasjon kan medføre, jf. Ot.prp. nr. 56 (1984-85) s 102.

I vurderinga av fordelar og ulepper har kommunen særleg lagt vekt på at tiltaket gjeld på eksisterande bustadeigedom i LNF område. Eigedommen er allereie bebygd med bustad og eigar ynskjer å føre opp garasje og bod i 2 separate bygg på eigedommen. Sidan tiltaket ligg på ein etablert bustadeigedom vil ikkje interessene det må dispenserast frå bli råka.

Etter ei samla og konkret vurdering finn kommunen at vilkåra er oppfylt for å gje dispensasjon frå arealføremålet i kommuneplanen.

Plassering

Tiltaket vert godkjent plassert slik det går fram av søknaden.

Visuelle kvalitetar

Tiltaket har etter kommunen sitt skjønn gode visuelle kvalitetar, både i seg sjølv og i høve til sin funksjon, og dei bygde og naturlege omgjevnader og plassering, jf. pbl. § 29-2

Vurdering etter naturmangfaldslova

Kommunen har vurdert prinsippa i §§ 8 – 12 i naturmangfaldslova. Ein har mellom anna sjekka det aktuelle arealet i www.naturbase.no og www.artsdatabanken.no og nyttet rettleiing frå Fylkesmannen i Hordaland.

Kommunen finn ikkje at tiltaket vil kome i konflikt med naturmangfaldslova.

VEDTAK:

Med heimel i plan- og bygningslova § 19-2 vert det gjeve dispensasjon frå arealføremålet i kommuneplanen for oppføring av bod.

Med heimel i plan- og bygningslova §§ 20-4 vert det gjeve løyve til tiltak for oppføring av bod på følgjande vilkår:

1. **Tiltaket skal plasserast som vist i situasjonsplan datert 08.03.17 med heimel i pbl. § 29-4, jf. SAK § 6-3.**
2. **Når tiltaket er ferdigstilt må det sendast inn søknad om ferdigattest til kommunen.**

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønsker. Klagen skal grunngjenvæst.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Kopi av dette vedtaket, samt andre saksdokument, skal alltid vere tilgjengeleg på byggeplassen.

Ved all vidare kontakt i denne saka, ver venleg og referer til saknr.: «ArkivSakID»

Ansvar

Tiltakshavar er ansvarleg for at byggverket vert oppført i samsvar med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlege føresegner gjeld føresegnene føre løyvet. Vedtak etter plan- og bygningslova inneber ikkje avgjerd i privatrettslege tilhøve, jf. pbl. § 21-6.

Bortfall av løyve

Om byggearbeidet ikkje er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9. Dette gjeld også dispensasjonsløyvet.

Avfall

Alt avfall som tiltaket fører med seg skal leverast til mottak godkjent av forureiningsstyresmakta.

Ferdigstilling

Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket må takast i bruk før ferdigattest eller mellombels bruksløyve ligg føre.

Med helsing

Siril Sylta
avdelingsleiar

Per Sveinar Morsund
rådgjevar

Dette dokumentet er elektronisk godkjent og har difor ingen signatur.

Kopi til:

Fylkesmannen i Hordaland
Jon Andvik

Postboks 7310 5020
Leknesvegen 178 5915

Bergen
HJELMÅS

Mottakarar:

Tømrar Helge Andvik

Andvikvegen 509 5981

MASFJORDNES